



SIUMUT INATSISARTUNI ILAASORTAATITAT

20. september 2012

Inatsisartut suleriaasianni § 37 naapertorlugu Naalakkersuisunut apeqqut imaattoq matumuuna saqqummiuppara:

Qaleralinniarnermi pisassat tamakkerneqarnerini assersuutigalugu umiatsiaararsortut pisassaat tamakkerneqarput pisasseqqinneqarlutillu, tamanna ajunngilluinnarpoq aammami taamaattariaqarmat.

Ukuli umiatsiat assersuutigalugu Q21 umiatsiaqqaniit anneruallaanngitsut pisassaarutereersut aammalu angallatit allat tonsinik ikittuinnarnik pisassinneqarlutik pisassaarutereersut pisasseqqinniarnearpaat?

(Inatsisartuni ilaasorta, Hans Enoksen Siumut)

Tungavilersuut:

Ukiup matuma naajartornerani aqutsiveqarfinni pingasuni Upernavimmi, Uummannami. Ilulissanilu ukiup naanissaanut ataatsimut 900 tonsinik qaleralittassat qaffanneqarput umiatsiaararsortunut. Aalisartut pisassaarutereersut assut kissaatigaat allatulli pineqarlutik pisasseqqinneqarnissartik. Tassami ilaat upernaarli unipput, taakkununngalu ilungersunarluinnarpoq qanoq akilersugassaminnut akilersuutissaqaratik uninngaannaleramik, aammami ilaqtaminnut inuussutissaqartitsinissaminnut ilaatigut akissaarulluinnarput, tamannalu aalisartunut ilungersunarluinnartumik inissiineruvoq akuersarneqarsinnaanngitsaq.

Taamaattumik qaleralinnik pisassaqqanngitsut pisasseqqinneqartariaqarput aamma angallatit qaleralinniartut uninngaannalersimasut eqqarsaatigalugit.

Ullut qulit iluanni akineqarnissara kissaatigaara.

Inuulluaqqusillunga

Hans Enoksen, Siumut